

嘉慶松江府志

松江府志卷十三

建置志

松郡有城社雲閒志以爲始於唐而顧況華亭令廳壁一記爲尤古其後創建或詳或畧厯年久遠遷貿滋多

昭代典章大備凡守土者治民治神之所罔不相厥攸宜其次若廩廩若郵傳下逮好義之所置一一備舉所以固封圻而修職業也可謂盛哉志建置

城池

松江府城 廣袤九里一百七十三步高丈有八尺門四

松江府志

卷十三

通志

一

東曰披雲西曰谷陽南曰集仙北曰通波谷陽舊名披雲集仙以橋

通波以塘並知府陳威題榜水門各附其旁門有樓樓外爲月城舊

志云元末張士誠據吳時築按宋紹興乙亥歲酒務鑿土得唐燕肅妻朱氏墓碑

以咸通八年定於華亭城西一里鄉名修竹是唐之置

縣已有城矣宋時縣城周回一百六十丈高一丈二尺

厚九尺五寸並見雲間志嘉興府舊志元至元十三年

詔置郡縣城羅城遂平唯子城存又引秀水黃志時議

壘江淮城壘嘉興屬江淮行省故並墮松江時未升府

隸嘉興城墮與否紀載無明文而明侯方干戶所記有

松江舊無城一語郭志遂以爲張士誠築壘似元以前

無啓閉者竊疑宋以前縣城元時已墮升府後幾七十

年城未葺至正十六年士誠將史文炳統所部兵逐苗

帥楊完者陷松江師燬焦土之餘修築此城以爲聲援

耳至明太祖吳元年大將軍徐達檄所屬驗民田徵甌

甌城時以錢鶴皋事不果行郭志未詳今據各書增訂

洪武三十年因而葺之置松江守禦千戶所專管守護

城池城上建敵臺二十座窩鋪二十六座雉堞三千三百八十九垛其地後殿九峯前襟黃浦大海環其東南三江繞乎西北平疇沃野四望極目東南之重地也嘉靖間島夷入寇知府方廉捐俸增葺萬歷二十三年華亭縣知縣王廷錫葺治旋圯二十六年巡撫趙可懷檄令重繕高闊並加五尺三十六年兩傾數百尺華亭縣知縣聶紹昌修築崇禎三年郡守方岳貢修葺增高城堞修建窩鋪敵臺各置軍兵防宿城樓四座東曰迎生西曰成南曰阜民北曰拱宸

國朝康熙二年秋淫雨城西南隅當大張涇衝齧之處咸

圯提督梁化鳳從城守營遊擊張國俊議會咨巡撫韓  
世琦捐俸檄郡修葺知府郭廷弼率屬捐貲濬築向來  
城堞并三爲一共一千二百有奇水關城樓煥然重新  
雍正中築金沙灘一帶沿城石岸舊蹟失其年月乾隆五年重  
修西門外護城石隄三十一年修郡濠石隄之在裏境  
者裏城窩鋪亦並修治如式焉

國朝知府郭廷弼記略松郡一城外挂江海內屏卽濶  
誠保障之重勢也年來海上鯨波震驚屢屢  
宸顧然撲滅之計惟戰守二策戰守之資惟城垣是賴乃  
歲久傾圯非大加修葺無以爲綢繆未雨之防工程  
浩蹟額編既無款項正供又難動支幸巡撫提督兩  
臺首先倡助而文武諸僚屬各急公捐俸共襄斯舉  
遂鳩工重加寶砌并築雉堞門樓木關靡不鞏固與  
姑蘇京口諸城形勢聯絡屹成金湯其爲地方計久

遠之功烏  
可以無誌

池廣十丈深七尺周一千八百十三丈二尺

華婁兩縣分管府城池段落

華亭縣

附郭

分管城八百九十八丈有奇堞五百十有奇

池六百四十三丈有奇

自城東咸通橋轉北經披雲通波二門至菜花涇止

婁縣

附郭

分管城八百九十七丈有奇堞五百一十二池一

千一百七十丈

自城西菜花涇華亭分界起迤南經谷陽集仙二門至咸通橋止

奉賢縣城 在府城東九十里卽青村故城明洪武十九

年信國公湯和築周回六里高二丈五尺雉堞一千七

百六十六門四東曰朝陽西曰阜成南曰鎮海北曰拱

辰其上各有麗譙城中陸地無水門外有月城四窩鋪一百三十座永樂十五年都指揮使谷祥修萬歷二十六年巡撫趙可懷檄委署海防同知李暹修

國朝康熙十三年修二十二年華亭知縣南夢班修雍正二年分華亭爲今縣卽以此城爲縣治乾隆元年署知縣勞啓鏗修西門緊工七號動帑七百餘兩六年檄委原任松江水利通判徐良模承修周回城一百六十號動帑四千餘兩十一年知縣劉暉澤領修

按湯和築城事詳名宦舊志作安慶侯通志作安遠侯安慶侯仇成亦洪武時功臣安遠侯柳升永樂時靖難後始封俱無築城事今依明史改正

池廣二十有四丈深七尺餘萬歷二十六年巡撫趙可懷檄委署海防同知李暹重濬面闊十丈底闊六丈深一丈六尺分縣後雍正九年署知縣舒慕芬又濬乾隆

三年知縣許逢元復濬

國朝黃之雋濬青村城濬記 吾郡諸水以涇港塘匯名者百數奉賢者濬之一也華亭既分遂以名其縣治在青村故有城池而縣署倉庫學校之立費甚鉅自設邑以來已再易令皆倣南橋民居以視事靖安舒侯至則度地胥宇周視城隍而慨然曰此濠也而衣帶水曾不沼之若匪直無以戒不虞舟行曷通鹽運曷濟田禾曷溉營縣治必先濬濠濠西接青村濬濠必兼濬港奉賢號難治令肆應無暇日蓋遲之二年而始集事云攷青村城明洪武十九年築池廣二十四丈深七尺餘萬歷二十六年又濬之面廣十丈底稍殺焉深一丈六尺迄於今百又三十年矣日趨淺隘地瀕海土高浦潮不至久不濬宜其厚流也我



朝康熙中暨雍正初守令嘗疏水及於青村港然亦六七  
年矣九年四月舒侯下令按圖均役計畝均夫稽冊  
程工獎勤儉惜塞里胥之弊鼓役夫之勇車耳電舉  
畚鍤雲集渡港至濠凡十里廣之深之閱月而工畢  
水乃蕩滴港濠之間繞城而流可以濟艘可以灌畦  
可以衛郭商集旅通農忙於田曰惟侯之力侯既自  
紀其時事來告子曰慕芬之有是役也爲農田水利  
謀亦爲縣治謀將解署倉庫學校以次第舉而代者  
行至矣惟是濠港之成勞願託於文辭以垂後人書  
河渠志溝洫史氏職也幸無靳子見侯之恤斯土也  
而與人誦之曰舒佛若召父杜母不足盡之者卽斯  
舉可徵矣誌於石俾侯之德與水俱長則子文不可  
也無也

金山縣城 在府南七十二里卽金山衛城洪武十九年

信國公湯和築周一十二里三百步有奇高二丈八尺

永樂十四年十六年連被倭患總督谷祥始令輒焚加

高五尺埤埤六尺周以樓櫓陸門四水門一弔橋四門  
外各築月城一成化三年總督董寅奏令改築以石董  
代去指揮使西賢成之門樓四東曰瞻陽西曰迎仙南  
曰鎮海北曰拱北角樓四腰樓八敵樓八間以箭樓凡  
四十六雉堞三千六百七十有八宏治中指揮使翁熊  
重修萬歷二十六年巡撫趙可懷知府許維新督衛官  
重修崇禎三年知府方岳貢捐俸移會指揮使范必忠  
修築圯城二百二十六丈

國朝康熙二十二年婁縣知縣史彬修舊分隸華婁二邑  
雍正二年分婁縣爲金山縣建治城中得舊屬婁邑之

西南半壁焉乾隆二年華亭知縣陳陞誠重修

明知府樊瑩登樓詩孤城周而倚江干大海微茫  
入望寬展氣半收初霽日潮聲漸細已迴瀾魚鹽有  
利民空羨穀粟無功我愧餐獨喜  
四夷時貢獻將軍不用事征鞍

池周一十三里三百步廣九丈深一丈周以子河今涇

永樂十五年指揮同知侯端濬深加四尺廣二丈共一

十一丈宣德六年指揮僉事關復濬正德十年都指揮

使張奎令指揮劉良翁仁廣加濬四尺共一丈八尺廣

如舊萬歷二十六年巡撫趙可懷委知府許維新督濬

共闊一十丈深一丈五尺

上海縣城 在府東北九十里周回凡九里高二丈四尺

陞門六東曰朝宗南曰跨龍西曰儀鳳北曰晏海小東門曰寶帶小南門曰朝陽水門三在東西者跨肇嘉浜在小東門者跨方浜在小南門者跨薛家浜敵樓二在大小東門平臺二雉堞三千六百有奇明嘉靖三十二年知府方廉因倭寇從邑人願從禮議奏建三十六年同知羅拱宸於城四門益以敵樓三楹沿城益以箭臺二十環濠益以土牆今於要害處建高臺層樓三日萬軍曰制勝曰振武張之象邑志作鎮萬歷二十六年知縣許汝魁奉巡撫趙可懷檄增築城五尺開小南門水關引薛家浜水以通市河後知縣徐可求剏一壙相繼增修城

加闊自大南門迄北門俱甃以巨石凡十餘年而成三十六年久雨內城傾數十處知縣李繼周修築

國朝康熙十九年風雨傾大南門城牆十八丈二十年知縣史彩捐俸修雍正十年知縣秦士顥請帑重修乾隆二十六年雷雨壞大南門城堞二丈後颶風壞西南城堞十餘丈三十一二等年陸續坍塌東北城牆礮臺及西南城牆數處有一丈至十丈者知縣清泰捐俸繕完

明顧從禮請築城疏略

上海宋時特海船所駐之

地元至元二十九年開設縣治原無城垣可守蓋因立縣之際事出草創錢糧未多地方之人半是海洋貿易之輩武藝素所通習海寇不敢輕犯雖未設城池亦無他患見今一縣編戶六百餘里殷實之家率多在市錢糧四十餘萬四方輻湊居積貨物尤多而

縣門之外不過一里卽是黃浦潮勢迅急最難防禦  
嘉靖戊子等年屢被賊劫燒殺傷地方鄉官商民不  
下百有餘家蓋因賊自海入江乘潮來去劫掠城市  
如取囊中皆由無城可依之故也伏望軫念府庫錢  
糧之難聚地方百姓之哀苦乞敕工部都察院會議  
開築內外城垣以爲經久可守之計實一縣公私無  
休也

潘恩築城記略上海據吳會之勝抱江負瀛舊隸

松之華亭至勝國始進爲縣明興頰海諸境防禦倭

夷至詳且密爲所爲衛各設城池郡縣藉以爲安上

海故未有城豈以去海稍遠無煩此耶抑阻於時勢

之難未暇爲也嘉靖癸丑海寇無驛騷其肆虐於浙之

東西者數矣浸及於吳吾邑以無城羣兇覲覲攘臂

踵至民無固心故受禍尤酷夏六月會郡侯雙江方

公下車心獨憂之奮言曰斯城不築是以民委之盜

也迺建議城之公以忠誠之心集衆思之益酌之以

義布之以公發之以果於用取諸田賦埤益者於工

取諸傭民之受直者於費不足附以庫錢之餘羨者

計日商功勸分凡役不愆於素故大功遄舉罔告勞  
城池

建置志

二

云是爲記

張思曼集唐滬城八景詩 海天旭日 碧落搖光  
雲後來獨尋春色上高臺 濤翻極浦煙霞外日照澄  
江紅霧開 黃浦秋濤 江色分明 練繞臺水 天東  
望一徘徊 風翻白浪 花千片 濤似連山 噴雪來 龍  
華晚鐘 此地曾經幾劫 灰神鼉吃立 戴崔巍雲移  
塔影橫江口 船載鐘聲出 浪堆吳松煙雨 江雨  
霏霏 江草齊 江籬濕 葉碧萋萋 勝遊恣意 煙霞外青  
靄橫空 望欲迷 石梁夜月 萬里風煙 接素秋月  
華星彩坐來收 水晶簾外 金波下 幾度高吟 寄水流  
野煙秋水蒼茫 遠楓葉蘆花共 客舟 天初雁起 汀洲  
月色江聲共一樓 閑雲潭影日悠悠 離闌玉砌應猶  
在 鳳去臺空 江自流 江皋霽雪 六龍寒急 光徘徊  
迴風捲沙汀 玉作堆 閒上高樓 時一望了然更見畫  
開圖

池廣六丈深一丈六尺周回縈繞以通潮汐

南匯縣城 在府東一百二十里本南匯所城金山衛之分治明洪武十九年信國公湯和築凡周回九里百三十步高二丈二尺門四東曰望海西曰聽潮南曰迎薰北曰拱極各有樓水門東西各一曰靜海曰通濟敵臺四箭樓四十雉堞一千七百九十永樂十五年都指揮使谷祥增修周六里七十五步甃甃加高五尺宏治中指揮翁熊重修萬歷十六年巡撫趙可懷檄修城垣高厚如制

國朝康熙十三年重修二十二年上海縣知縣史彬重葺五十七年同知鄭山重修雍正二年改爲南匯縣治五



年知縣欽璉重修乾隆三十九年知縣成汝舟會同上海縣史尚確請帑分工興築上邑自通濟水門迤北轉東至靜海北止共五十七段自靜海水門迤南轉西至通濟南止共五十二段本邑承修並葺陸門水門及城樓礮臺

池深七尺廣二丈四尺永樂十五年都指揮使谷祥濬深七尺五寸闊八丈廣如故正德十一年總督張奎鎮撫胡洪濬深五尺廣如故萬歷十六年巡撫趙可懷檄濬凡面闊十丈底闊六丈深一丈四尺

青浦縣城 在府西北五十里城高二丈三尺周回一千

三十丈以里計者六箭垛一千七百一十五敵臺七窩鋪四十八門樓六旱門五東曰望海南曰觀寧小西門曰來蘇大西門曰永保北曰拱辰水關三南曰躍龍北曰充賦大西門曰通漕月城三在南北大西門餘永建萬歷二年知縣石繼芳建嘉靖十九年以糧稅難徵議建於郡西北離城七十餘里舊青龍鎮歷知縣楊壺呂調音未定值郡人徐階入相有稱不便者三十二年縣廢萬歷元年郡人蔡汝賢爲給事中疏請復之遂議改建於唐行鎮三十五年知縣卓鈿修城建樓崇禎間知縣吳之琦趙元會前後修濬城濠

國朝康熙五十三年知縣洪亮采以南水關寬敞水瀉不能聚氣因量為收小雍正七年知縣楊鳳然修築一百七十有九丈二尺九年知縣魯宏章復修築八十丈乾隆三十五年知縣褚啟宗會同崑山令李景隆領帑重修并砌甃城上為馬路

明潘恩建城記 松江古稱望郡屬華亭上海二邑東臨渤海西達嘉蘇四方不逾百里賦稅百萬逋欠歲滋嘉靖壬寅議郡北青龍鎮置青浦邑鼎峙為三分治之未數載以治功不興邑廢又數載隆慶壬申秋言官論議復焉繇是設官署吏勇有常員時撫院張鼎陳議以桐城令不侯繼芳調更新邑侯下車至砥礪靖共締鴻規之初構置恆久之是圖攬遷稅於桑田循行編手區城以舊城官廨後即界嘉定西北五里許界崑山僻在偏陬擇境內古聚唐行鎮立城鎮居西土中央昔周文襄公撫治江南創唐行水次

倉在鎮以道里適均兌運便利也遂定議成城谷詢  
 民庶萬口一詞僉曰唯唯是變通時宜體勢敵諸  
 鼎革諦瞻信美不復仍乎故邱繆以爲垣面山臨水  
 鳩聚工作卽曠就夷賓錢居諸乘納生氣樹泉揆日  
 景正陰陽塲高協燥濕之宜谿谷順泉流之潤疆域  
 擬重岡之險官署準大壯之模天時順而地利得焉  
 萬歷甲戌二月載陽合衆志以經營乘龍見而始事  
 工徒屆期乎耦集遐邇悅豫而子來版築斯興高墉  
 屹立未踰兩月土工告完僉僉開闢實堅實好是冬  
 采村於山陶築於野軌石備具焚採彌堅城周一丈  
 三十丈有奇高二丈有奇廣如之塹廣三丈深一丈  
 以地計城方五里有奇以工料計銀萬六千三百  
 餘兩上不妄費下不棘民人力奮庸而告成伊邇焉  
 越明年乙亥春石侯擢錦衣衛經歷去任民咸得貽  
 懼不能留會郡熊侯汝器來視邑篆志續往緒勵力  
 圖惟酌免四甲徭銀三里築鋪舍一區鋪凡五十遠  
 近綿聯樓櫓門唐隍墉廟社始也規制局完於是增  
 加繕治今茲新邑石侯肇建首開楨始之動熊侯繼  
 之以懋樹和衷之績邇彭侯以泰興學諭簡擢於茲昇  
 以保釐之責行收克正之功其在斯乎若夫弦歌化

俗儒術飾治師先廉平引掖勿替則侯後之君子矣  
邑庠譽髦之士張生執中姚生誥唐生文梓潘生寰

克終辭道詮次新略如右

知縣屠隆詩分符得水縣蕭瑟總堪憐處處張漁  
網家家紡木棉波聲喧客夢山色借廚煙落日船回

清問歌

國朝

彭孫通青浦舟次詩揚舲擊汰曉相催百里青溪

半日過江浦秋深蓴菜老汀洲水綠蓼花開地通三

泖潮爭落節近重陽雨易來莫向  
天南更回首暮雲鄉樹不勝哀

朱彝尊青浦道中詩不識三高士松門第幾峯潮  
迴黃歇浦草滿陸機茸細雨春歸雁深山日暮鐘生

看城郭近猶

是水雲濃  
高不驚次青浦詩卜縣何時立相傳萬歷初水雲  
三泖動城郭百年餘晚市歸漁戶秋租雜蟹胥吾生

釣游便那  
不此中居

屠文漪青谿六景詩 生春待渡 拱辰門外水悠  
 悠祇樹春雲古渡頭 客意不如僧意懶 慣來沙觜覓  
 輕舟 學潭夜月 水閣人家隱 莫煙一潭澄碧學  
 宮前波心仙桂尤相近 且喜當頭玉鏡懸 潭浦歸  
 帆 漕浦春流漲綠醅 亂帆都帶夕陽回 時平水郭  
 門遲掩 說與行舟只緩來 毆湖落照 森森湖光  
 萬頃寬 夕陽漁子晚收竿 毆山石上閒凝望 一片谿  
 光欲盡難 孔宅尋梅 宅畔松杉日色寒 尼山曾  
 此葬衣冠 好教游客時瞻拜 莫為梅花特地看 夾  
 橋雙刹 雙刹巍峩映碧虛 塵襟到此合消除 赤闌  
 橋上從君聽 雙刹巍峩映碧虛 塵襟到此合消除 赤闌  
 北鐘聲雜梵魚 草草衝寒路 船窗西日餘潮痕  
 厲鶚過青浦縣詩 草草衝寒路 船窗西日餘潮痕  
 上城古堡穴入沙虛 飄蕩青龍艦 艱難黃耳書 故人  
 今夕見標 酒惜居諸

# 池廣三丈深一丈周回共八里

川沙城 在府東北一百二十里八團明嘉靖三十六年

巡撫趙忻巡按尙維持兵備熊桴從郡人喬鏗王潭建議興築內設守堡千戶公署百戶所軍器庫把總司撫按行臺演武場城隍廟社學下沙二場三場鹽課司南贍巡司三林莊巡檢司又置附堡營田城周四里高二丈八尺闊三丈有奇門四樓如之月城四雉堞三百七十二垛萬歷間淫雨牆圯潭孫乾昌葺之有記

國朝特設參將一員以資守禦二場鹽課在焉餘廢康熙十三年重修二十二年上海知縣史彩重葺五十七年同知鄭山督修乾隆三十七年南匯知縣成汝舟捐修城本上南兩縣分轄嘉慶十年改川沙同知爲撫民同

知析上南地屬廳治同知高伯揚修整城垣并濬內外  
各處河道

築川沙城記嘉靖丁巳汝寧尚公維持以名御史  
按部至松時倭寇初離人情惴惴每有風鶴之警公  
單車入境嚴飭諸將領乘時設備人情稍安復詢賊  
所以民曰惟柘林川沙二堡去海為近又窪水積深  
易於泊舟賊得日出其支鹵略吾民既飽輒去莫敢  
誰何後至勤六軍殺賊不下數十舉賊無以大創而  
徒肝腦吾民為今日計莫若早建城工賊則畏迫不  
敢近矣公檄所司議如民言於是具疏大略謂松江  
薄海微東墻間為郡石臂據其體勢則吳淞所在北  
金山衛在南而青村南匯貫於其中柘林去金山為  
近而賊在柘林於府為逼稍南則嘉興所屬為必犯  
之路川沙去海口為近而賊在川沙於上海為逼稍  
北則蘇州為必犯之路故川沙柘林二城於今為亟  
否則盜賊蔓延聲援不及既非體勢所宜又他日殺  
賊之費當不減於二城而民已饑矣天子是其議公  
乃檢括舊蹟與無蓋於法而可寬民者便宜行之得



貲若干既巡撫趙公忻至議如己出助費若干以海防同知羅拱辰董其事上海知縣牛鏡相之僅三月而川沙之役訖工城廣四里高二丈八尺址闊三丈有奇陞深如高之半爲門有四樓如之門各繚以月城術衛交絡靡宇翼如屹然一方鉅鎮當成之日復論於衆曰吾所以經營若城者以計民也今民且窮矣勿收將轉而爲盜散矣勿集則愈生背心矣又何有於城乃上奏請寬租賦分隙地招移亡願受廬者仍給之直以風來者已乃大閱於鄉得選兵若干而粵兵多劍客率善鬪復令夾輔土兵時徼巡其間又議歲輸米若干以便給食蓋公城守經略大較如此不可無記郡人張鶚翼撰文長洲文徵明書丹并額篆

池周如城深一丈四尺

柘林城 本堡嘉靖甲寅倭至結老巢於此巡撫御史尙維持建議築城高一丈八尺周四里陸門三水關二雉

堞一千八百七十垛以富民衛姓者任其役城完徙沿海民竈各戶實之

池原未深闊後巡撫趙可懷檄重濬面闊十丈底闊六丈深一丈五尺

案倭之據柘林其故有三一各處登岸多灘塗攔淺柘林獨否來易登岸去易開舫一海濱至內地必由小港出浦若非潮至則水澀難行柘林之西獨有上橫涇歡娛庵深闊可縱行舟片帆出浦自葉謝十八里卽抵郡城一地方素聞富饒多蓄積盛宮室屯聚有資棲止可容備倭者當知永鑒矣明邑人周思兼贈尙侍御詩扶桑新築受降城海上烽煙萬里清天作重關魚鱗靜戍臨三島雉樓旌旂曉映霜臺月鼓角宵傳漢將營聞道廟廊今有議籌邊還欲仗威名

西倉城 在府城谷陽門外凡周二里高一丈八尺陸門

四濠廣六丈深三尺餘自明初建水次西倉至嘉靖中倭患初息華亭縣知縣聶廷璧始移得勝港舊堡以甃之城內公署倉廩俱萬厯四十七年知縣章允儒建崇禎八年郡守方岳貢以漕艘運軍泊聚水次恐滋他端遂築敵樓於倉橋北岸增置城樓四座屬諸生夏之旭董其事

國朝因之今屬婁縣地每歲徵漕米華奉婁三縣咸蒞焉修濬共之乾隆五十一年華亭知縣王夢文奉賢知縣繆廷玠婁縣知縣謝庭薰修葺並濬河道

甕城 閘門臺二在雲間第一橋及永豐橋之間當明之

季郡人謀拓重城於谷陽門外議久不決崇禎十二年  
知府方岳貢請於大吏疏聞報允方營度定址而郡人  
大學士錢龍錫貽書力阻之乃築兩郭門而止陳子龍  
李雯竝爲記鐫門壁今尚存

明錢龍錫書略 倣郡昔經倭亂關廂被禍最慘一  
時遂有擴城之議今執事斷然舉行使經始不難觀  
成亦易誰敢輕持異同哉乃勢非不得已而事則未  
可必成其一先論形勢昔人建治酌風氣之中衡潮  
汝之勢生聚教訓遂爲望府今徒欲侈大之而已於  
望景觀卜之義誠無所取借曰爲捍圉計則城小易  
守尤未可漫然也形勢既審乃論工作倣郡自西關  
至倉城南北湍流十餘道藁宇連接冢墓相錯堙深  
就高談何容易設不毀屋必當廢田此皆不可不慮  
也工作既鉅則當論財用矣今所陳取財之方類多  
紙上空言稍有程額者惟納贖一款然徹郡賦役繁  
重三倍曩時五年編審僅得充額今納銀築之勢必  
公工守志 卷十三 建置志 城池

審之再審之戶非從天降總是舊人卽此一端病民  
已極假令財用誠贍也又必論管理士大夫旣不肩  
任其累仍必及於大戶與無故之役以竭其膏髓大  
戶旣窮小民立槁國不可爲矣且城內城外之移置  
相度有權典鋪宇號之捐輸分派無定力供則不勝  
困令阻而刑罰隨之其害不更多乎惟執事酌定之  
念此民勞特行停止

陳子龍西郭開門臺記略 松江城小而民稠凡倉  
庾囤箱之所積魚鹽艦舶之所集縞纁金錫竹木蔬  
果處焉而販齒革羽毛治鳧鮑鰾之工居肆以辨民  
器皆鱗次櫛比於谷陽門外凡七八里抵於倉城崇  
禎十有二載郡伯方公謀展城右包舉闔閭以究安  
宅郡民疏於朝天子俞之亦未克旦夕以樹而旣年  
春漕艘星羅比長不戒屢有盜警方公乃進厥父老  
度其形勢曰倉橋駕倉濠也稍西以與倉南北夾河而峙  
有梁焉曰倉橋駕倉濠也稍西以與倉南北夾河而峙  
橋跨秀州塘也自其外則曠野雜港又其外多蕩瀆  
大澤盜所潛出隱蔽也然其登陸而入市也必經二  
梁爾雅曰三達謂之劇旁此之謂與據綰轂立開隘

即三達之塗塞矣迺發官帑作邦郭二梁之衝各建臺焉上覆以樓旁施埤垸下設扉閤晨啟夕闔於是守禦有資候望有具桴鼓不鳴商旅燕喜是役也方公之勤此其職而捍民之虞厥功謐矣文學夏之旭實始其議孝廉宋徵璧何剛襄厥成焉然吾聞諸巷議不若其遂城之也夫何傷哉作事謀始必有漸焉如築室然既表既焚而後以鳩乃事是為記

### 附記古城

金山城 在金山縣界輿地紀勝金山城在華亭縣南相

傳吳越時築城為戍守處以南接金山而名

大清一統志

宋許尚詩 治盛周康世東游豈信然城闔亦墮廢圖牒漫相傳

南武城 在上海東南六十五里亦名閭閻城漢書地理

志婁有南武城閭閻所起以備越賓宇記袁山松城東

三十里夾江有二城相對卽闔閭所築以備越

大清一統志

五茸城 在府城南華亭谷東吳陸遜生於此唐陸龜蒙

詩五茸春草雉媒嬌注謂五茸者吳王獵所茸各有名

故稱五茸城

明統志

由拳故城 搜神記云由拳縣秦始皇時淪爲谷因曰爲

谷水水經注谷中有城故由拳縣治俗傳柳中風息雲

開衢甃井闌畢見

海鹽故城 在華亭縣南六十五里秦置漢書地理志會

稽郡海鹽故武原鄉宋書武帝紀隆安五年孫恩北出

海鹽高祖追而翼之築城於海鹽故治元和郡縣志漢

時縣城陷爲柘湖移於武原鄉後又陷爲當湖移置山  
旁開皇元年縣廢城屬杭州武德七年地入嘉興 按  
舊唐書寰宇記開元五年復置治吳禦兒城

大清一統志

滬瀆城 在上海縣北晉書永和中吳國內史虞潭修滬  
瀆壘以備海寇隆安四年吳國內史袁山松修滬瀆城  
以備孫恩五年恩自海鹽進陷滬瀆太平寰宇記城在  
縣東北百里滬瀆江邊今爲陂湖所衝已半毀江中通  
志滬瀆東西兩城東城元時徙於江中僅餘西南一角  
西城在東城之西北旁有東西蘆浦俗呼爲蘆子城今  
江流轉徙無復遺迹



松江府志

卷十三

六

築耶城 在縣東三十五里高七尺周回三百五步舊經

曰晉左將軍袁山松所築今遺址尙存

雲間志

白苧城 在婁縣南五十里地生野苧因名俗名白苧匯

大清一統志

前京城 在華亭東南八十五里梁置陳書高帝紀永定

二年割吳郡前京縣置海寧郡輿地紀勝前京城在華

亭縣東南以近京浦因名天監七年築

大清一統志

宋許尚詩 廬落皆無有依稀古  
堞存登臨認遺迹林莽暮煙昏

胥浦城 在婁縣西南梁置梁書侯景傳簡文初立分吳

郡胥浦屬武原郡通志大通六年析海鹽東北境置地

接胥浦因名縣尋省今為胥浦鄉在縣西南四十里又有古城在縣西南六十里疑卽故城也

信義縣城 在今婁縣之崑山

崑山故城 崑山秦漢時婁縣地其城吳子壽夢所築梁

分置信義置崑山縣因縣有崑山故取名焉元和郡縣志

按天寶十載置華亭崑山遂移治於馬鞍按太平寰宇記口馬鞍山形如馬鞍因以名之其非崑山明甚

崑山故城當在今婁縣境

明張泰詩高城一望思茫茫湖轉婁江入海長邊境到今無漢縣古倉何處積吳糧鷗棲淺渚寒蘆靜

雁落平蕩晚稻香野水雲間吟不盡玉峯西面看斜陽

華亭故城 大清一統志今縣治唐置元和郡縣志縣西

至蘇州一百七十里

周廣詳見前注

元初廢

青州故城

在今縣東北三十五里卽舊時青龍鎮也

大清一

統志

松江府志卷十四

建置志二

官署

松江府

府署 在城之中前臨官街後枕流水舊華亭縣署也中

爲治廳勝曰承宣今日勤政川堂曰忠厚後改和衷今

曰和易宅門內爲道敏堂後爲瞻雲堂

知府康基田建并書

東爲

勤補軒又東爲箭道一鶴亭西爲海石堂

知府唐仲冕有入詠勒石

後爲知府宅 和易堂左爲永豐庫西爲官廳前爲儀

門門內爲戒石亭儀門左爲土地祠迤西爲管糧廳經

歷司署其外爲譙樓舊有宣詔頒春二亭東西向元至元陞府卽縣爲治十七年知府張之翰始撤而新之大德五年知府周維惠遷譙樓於外作儀門及後寢後至元十七年知府楊伯野台展堂廡而大之至正初達魯花赤哈只作中寢九年譙樓燬知府王至和新之明洪武初知府陳寧建守貳以下宅永樂中知府黃子威重構穿堂展兩廡及新經歷照磨廨宇正統五年後堂及兩廡壞知府趙豫重修天順閒知府李惠重建廳事成化中知府王衡始置刻漏及畫角於譙樓凡門以內之制悉備正德閒知府喻時樹門坊重建吏舍嘉靖閒知

府劉存德於署後建願豐堂知府方廉修府署名堂曰勤政日和衷賓館曰親賢知府臧繼芳重闢府治知府史直臣重建賓館及經歷司萬歷初知府賈待問修譙樓改建三坊東曰旬宣西曰師帥南曰東南保障復遷旌善申明亭於橋南之左右知府許維新改建督糧廳知府張九德修府治顏其堂曰琴鶴勒題名碑於廳壁建賓月樓於寢室之左

國初譙樓燬順治十六年知府祖永勳重建康熙元年知府郭廷弼重修四十五年署知府郭朝祚重修恭奉

御書蘭渚碧雲扁懸大堂雍正元年知府周錚元移譙樓

於儀門之東南九年知府王喬林仍移建於大門上額  
 曰高明乾隆年間知府楊壽楠嘉慶五年知府趙宜喜  
 先後修葺改和衷堂為和易七年知府康基田重修內  
 外堂廡十八年重修

元張之翰公解記松江古華亭為壯縣天兵渡江  
 升華亭府尋改松江至元辛卯直隸行省郡號雖新  
 縣治仍舊越明年之翰由翰林牧是郡與達魯花赤  
 麻合馬廣威同知玉渠失不花奉訓府判趙德衍承  
 務一意見催科奚暇他及又二年偕廣威赴省力陳  
 之尤者除荒租等額十餘萬瓜期將近公解不修復  
 何待迺就木瓦竹石之所有補短以長代朽以堅易  
 缺以完闕則平買出俸金以酬直遠近聞者無不喜  
 至有一二貴室願為之助或以梁或以米或以工役  
 之費上不侵官下不及民始甲午冬仲迄乙未春季  
 四晦朔而厥功成崇數尺之基敞五開而耳以左右  
 屋者廳事也拓數丈之地合兩廡而翼以東西樓者

吏舍也而又署參佐於乾設架閣於翼殿狴犴於坤  
遠庖對於震其規模纔十七八羣飛翔舞已與雄藩  
巨鎮相頡頏以今視昔如隔仙凡每庭空吏散倚危  
闌送落日顧瞻徘徊覺三郡增明九峯益峻水吾硯  
池山吾筆峯發清思祛簿書之昏揮新句解鞭笞之  
勞呼皮陸於蒼煙翠靄中問當時倡酬處亦可為公  
餘之一樂閩郡大賀後廣成舉酒屬之翰記昔叔孫  
所館一日必葺陸抗臨去繕完城園我輩固不敢望  
其於視公府如傳舍略不加省而去庶無愧元貞元  
年四月月初吉朝列大夫松江府知府兼勸農事張之

并書

楊維禎重建譙樓記  
松江府古華亭縣也本嘉興  
地宋屬嘉興為壯縣入國朝以五萬戶之上者為州  
華亭戶登七十餘萬至元十四年遂升華亭縣為華亭  
府明年改曰松江府二十九年又割華亭縣東北地  
為上海縣屬邑凡二縣是開府府府府府府府府府  
巨鎮同一雄大至正六年冬市廛災延進樓明年夏  
淫雨秋大水未遑營造又明年秋達魯花赤答理麻  
公求年大有與知府王公至和同知拜住閩浦府判



刺馬丹推官曹思義僉謂諸樓鼓角以令民瞻而不  
治非所以司天時謹民事也蓋亟成之遂各捐俸金  
鳩工聚材以九年四月九日經始閱四月而竣事工  
以日備材以時直梓鏤爭趨商賈售鬻惟恐後樓凡  
四楹高七十尺視舊有加其下壘甃固密廣道軒豁  
重檐上飛風雨旋薄安然若泰山之崇落成之日守  
臣監軍賓佐吏士咸集登府勝其顏父老舉欣欣然  
有喜色相告曰麗譙之災非天誓也歷七十餘年而  
遭逢賢守貳政化更新吾儕小人猶及戴白扶藜以  
仰瞻壯麗一何幸歟夫重門擊柝以待暴客此古者  
防民之道後世晨暮轉相警呼至唐馬周始制鼓以  
代參以挈壺氏之職出入作息皆有恆度奸民斂手  
以避遊徼良民得安厥居而不驚固  
繫於政治者如此是宜書以勸來者  
明李年壺漏記略 郡有麗譙以司晝夜設壺漏以  
驗時刻久矣而晝夜百刻之圖今所傳者為唐司天  
少監呂才所著其制以百刻分十二時時有八刻二  
分刻有六十秒其二十四氣每一氣差一分之半冬  
至日極短春分而日晝夜半平冬至後行盈夏至後  
行縮陰陽升降日晷短長之期昭然明著範金為壺

注水浮箭以區區之人巧測茫茫之天道時昏旦巨  
脔合無爽益失民竭心思而有作理以事寓器以治  
設皆切於官民之所需而不可忽焉者也松江府  
樓舊有銅壺滴漏設官掌其事久而廢弛因仍以焚  
香為驗而香有燥濕風有疾徐往往不能悉準以便  
為安莫知改作成化戊戌櫻山王侯以北臺名侍御  
來牧吾郡始至修舉廢墜暮夜聞鐘鼓知漏過差曰  
時以作事政之所繫不小銅壺可後復哉乃選者  
民之能者授以成規俾即古法而治焉不越月以是  
器獻凡為具夜天池一日天池一平壺水壺各一銅  
人持尺者一定南星影表一水海一漆水桶一瓦籌  
十二籌架一既嚴敷所司隨時注視復縱民就觀三  
日俾知古作之妙夫輿杠時成君子謂之知政更漏  
分明識者審其能官侯能易簡易知習為久經之具  
以利官民之興作非知

國朝

重建譙樓記

予膺簡書來守此邦周視四履有事

修備捍海隄塘為潮汐侵蓄行且燈曠亟謀所以塞  
之雉堞千櫓實庫且亟謀所以崇之飭之惟是郡  
解前楹向有麗譙燬於兵燹余晉諸父老語之曰是

松江府志

卷十四

四

幾然者匪僅守土者之輪奐已也蓋布九重竭賑之恩懸憲司令甲之下均於乎在而又鼓角是警刻漏是設俾萬姓無矢晨昏咸知作息奈何任具廢而弗舉於是庀材范堦募役率作閭期功告厥成翬飛跋翼頓還舊觀或退而議守之愚子惟上棟下宇取象大壯張形勢之勝繕維垣之固於道弗倍春秋凡營一宮修一門必書所以重民力紀興作也子豈敢以一日之愚迄百年之譽哉因為之記順治己亥八月既望知府祖永勳撰

糧捕通判署 在府治右舊在軍儲北倉通判郭允禮名

其堂曰勤政堂 徐文貞公為編修時有記石砌署壁之左 崇禎閒知府方岳

貢斥賣取直以充公餉遂遷於此

水利通判署 在柘林舊在府署右乾隆二十四年 奏

准柘林同知移駐金山衛其府城之水利通判移駐柘

林城舊署遂廢

經歷廳署 在府署西北

知事廳署 在府署北舊在府署東偏後圯賃民舍以居  
嘉慶十七年知事范樹仁捐買官房改建

照磨廳署 在府署西北嘉慶十年改川沙廳爲撫民同  
知改照磨爲司獄司屬焉今移川沙

教授署 詳學  
校

川沙撫民廳

撫民廳署 在川沙乾隆二十九年詳建嘉慶十年 奏  
准川沙同知改爲撫民同知十二年同知高伯揚領帑

重建

司獄司署 在廳署旁獄在廳之右與司獄署毘連

華亭縣

縣署 在府治西望雲橋北元主簿廳也縣初升府寓治

於舊東尉司至元二十年始遷此日河抱於南月河環

於北廳事榜曰牧愛

廉訪副使王朋益書

今日冰磧二堂榜曰冰

雪今日儀松後爲知縣宅大堂外爲戒石亭二堂右爲

西廳庫在儀松之左監在大門之內自元至元三十一

年華亭縣知縣柴林達魯花赤兀都蠻建廳事榜爲牧

愛至正六十儀門兩廡災知縣張德昭繕

門額儒學提舉班惟志書

主儒學事  
徐良記

後燬

兵明初以次興復永樂中復火宣德

五年知縣吳用重建正統十三年知縣郭文直修宏

治

知縣張岐建後堂始勝爲冰雪嘉靖閒知縣

聶豹朱執中復修舊厯三十二年知縣熊劍化作屏牆

於大門南左右置儲胥設兩門榜曰敬天威畏民志天

啓三年知縣郭如闇復以訟繁諸舍偪仄捐俸買地擴

而新之規模宏敞矣廳事之左爲典史贊政廳右爲架

閣庫其後爲冰雪堂其西爲庫知縣宅在堂後廳事前

爲戒石亭兩廡爲六曹廡外爲書吏私廨儀門之外東

爲土地神祠西爲寅賓館前爲內監房

重囚禁繫於此其輕繫在西南

松江府志

卷十四

六

隅麗澤橋西

大門左右爲勝廊縣丞二廨一在東北隅主簿廨在其南一在西北隅典史廨在其南其制大約如府而門內列十櫃以納賦稅焉

國朝仍之順治中知縣張超繕葺廳事增作宅廨康熙十六年知縣南夢班重建儀門兩廊乾隆五十八年知縣王勸捐修內宅三十四間改升二堂後爲堂樓並新宅門移土神祠於大堂之北左偏二堂左爲庫房簽押房又東爲關帝祠一經書屋堂右爲西廳嘉慶十三年知縣李紹洛重修十八年知縣周煒重修兩廡及堂舍并於廳西築石成池名曰小濂溪周煒自題勒石

元松江府學教授馬允中新廟記  
年始置縣屬蘇州治石晉天福五年分隸秀州為天  
下壯邑至元丁丑升華亭為府尋改名松江即縣之  
公宇為府治寓縣治於東尉舊司王午秋始以昔時  
主簿解舍為新縣治纔二十餘開顏圯狹隘且未有  
獄禁甲午春達魯花赤兀都蠻承務來監是郡慨然  
有增修之志爰及縣尹柴林承務暨同僚佐史協議  
悉捐已俸積千二百緡買民地二畝一角三十步荆  
建推廳門軒之開七百緡買民地二畝一角三十步  
積俸三百緡買民屋五間地七丈四尺築石岸十有  
五丈重建前後廳堂之閒十有三丈左右吏舍之閒各  
十有一選大門與正廳對砌中道二十有八丈復立  
古經界指稅二廳於門之兩廂典史有幕架閣有庫  
戒石有亭土地有祠庖廚有舍靡所不備始三月丙  
辰終四月乙丑廉訪副使王公朋益扁其堂曰牧愛  
蓋謂國家以百里生靈之命俾宰邑者司之如為人  
牧保之愛之則息以蕃擾之害之則瘠而敝茲牧愛  
之所以命名也縣治既新邑宰屬允中為記故紀賢  
侯作縣之功并述王公名堂之意  
以識歲月云元貞二年八月撰



明王英記

華亭儒學訓導秦和陳登以重建其縣

治成書始末屬博士王君積來請記華亭大邑也知

縣嚴郡郭文直抵任逾年持已公正理事勤能及民

有惠愛政平訟簡顧縣廳事歲久頽弊謀欲新之乃

出官錢市材木募工匠具百費文直與僚佐捐已俸

邑之耆民胡德裕輩亦以粟帛爲助於是廳事及後

堂幕廳兩廡吏舍煥然而新肇於戊辰夏四月是年

冬十二月畢工乃書以記之俾勒石於學宮景泰三

年春

三月

張翥修治邑門記華亭瘠而醇墨者曰其膏易溜

也媮者曰絲琴而難爲理廬陵郭公來蒞吾邑喟然

歎曰賦徭重而民粟不登於場令不受膏且予民肥

也壯邑之務比於下部然民依耕織而謹媚其上寬

徭止訟條緒易輯耳居三年政成化洽民用力大和而

公益從容委蛇爲邑人開便利事時有餘力邑譙門

臨衛環而居者比廬輻湊國中涂軌侵改舊步公因

火災不戒下令撤而新之還其官地之侵於民者豪

強斂手刻日戒工萬民子來不日而成亭表軒舉塞

門洞開廣場滌除九衢通明公又念輕刑以下訟繁

國朝

請舍實備處公屢之隅窄迫湫底蒸為厲氣爰度幕  
麗南隙地廣闢新舍以安業俘役不勞民錢不損帑  
蠲其常廩以充經始於是父老請為記張子曰古者  
佚道之使勞一利百其在循吏具有故事不足為公  
記惟是公飲冰刻勵恬愉樂易凡其思慮民事愉眾  
禦奸悠然滿志夫真廉無聲色至靜無譁謀至誠無

華采三者公皆足以記之故吾

記其大者天啓四年歲在甲子

沈荃重建縣堂記 縣治之有堂歷代創建已然會

兵燹寇患繼以水旱公私交絀積漸墮圯以迄於今

幸邑侯南公蒞計將議寢公仰首捐解憂形於色曰

日潭井賦歲增計將議寢公仰首捐解憂形於色曰

斯堂也錢穀出入則會計繇焉獄訟煩簡則民生繫

焉戶口徵徭之差等則功令考成準焉廢政勿修墜

典勿舉烏乎可爰為之辨方正位燭緝庀材相物宜

董功作版築登然磬鼓闐闐然昔之風雨鳥鼠蕩

焉然不知安往也公又咨耆老子弟而謀之堂中央

為布令之地懸韜程石以示彰輝堂之後為退食之

所橫經設席以備進衣簪堂之左右隅為刀筆篋篋之

同警夜巡書以備局編規模宏鉅遠近壯觀公以鞭

建昌志

官署

風駕電之才聚米量沙之智浹月告成三吳循吏未  
有若公之善治劇者公少而通經長而筮仕練達國  
體軫恤民艱凡急軍餉清逋額飭保甲弭盜源聽受  
披覽庭無滯牘軸輻雲集供億星稠出其緒餘呼吸  
立辨不日報最當書上考爲奉公循職者勸  
郡紳士寓牘於余謹次爵里姓氏而爲之記

縣丞署 在漕涇舊在縣署西北隅乾隆年間移駐初賃

民舍以居縣丞車策始買地營建

主簿署 在縣署大門內左舊在縣署南康熙十年主簿

黃元竣移建於此嘉慶十二年主簿吳澤遠重修

巡檢司署 在亭林鎮

典史署 在縣署南

教諭署 詳學校

奉賢縣

縣署 在青村城

國朝雍正二年分設十年知縣徐必達

邑志作必昌

領帑建大

堂三楹東爲延賓館西爲書齋宅門內爲二堂東爲東  
廳西爲西廳三堂後樓三楹爲知縣宅庫在縣署內獄  
在大門之西乾隆二十三年縣志所載以爲未有修葺  
至五十九年知縣陳夢蘭修頭門兩廊科房兩廊大堂  
二堂榜曰留有餘海題嘉慶十一年知縣艾榮松重修  
大堂及內外廊廡十六年知縣張敏求重修署後荷池  
一曲大可十餘畝綠水朱華與居民籬舍相掩映池中

有高阜隆然特起構亭其上顏曰觀稼亭

縣丞署 在高橋初賃民房以居今在四團鎮

典史署 在西門內

巡檢司署 在南橋鎮

訓導署

詳學校

婁縣

縣署 在府治北

國朝順治十三年分設初寓治於水次倉公廨十五年知縣王有極始以官錢易明司業朱大韶故第爲縣署廳事三楹宅門內爲二堂左曰東廳有樓抱之右爲西廳

以接賓僚堂後有層樓爲知縣燕居之所庫在二堂之左獄在典史署側康熙六十年以來修葺無攷迨至雍正十年署宅爲颶風所壞嘗加完繕乾隆二十五年知縣周廷佐修四十七年知縣張大器重修五十一年知縣謝廷薰重葺門廡大堂嘉慶三年知縣張昌運重修兩廡十六年知縣仇晉重修廊廡及內外堂舍

縣丞署 在谷陽門外香花橋西初賃民舍以居乾隆四十四年縣丞熊燕申請以官房改建

主簿署 在大吳橋南今僦民舍以居

典史署 在縣治西南本華亭外監房康熙六十一年知

縣劉文彬典史李成奎始建乾隆五十二年知縣謝庭薰典史劉近山重修

小蒸巡檢司署 在楓涇明洪武中置巡檢司於小蒸鎮

明會典作小貞鎮故青浦地婁縣初設以司來屬移治焉

教諭署 詳學校

金山縣

縣署 在金山衛城

國朝雍正二年分設八年知縣高澤萊領帑建廳事三楹進爲川堂宅門內爲三堂東曰東廳內爲燕室東西有書齋庫在大堂右獄在大門西

初知縣寓治於朱涇水次倉公廨七年遷於環照橋北八年又遷豐樂橋九年仍赴衛城署乾隆二十五年奏准將衛署監獄悉改建於朱涇鎮復於三十三年總督高晉巡撫明安奏准將衛署監獄仍移衛城後以縣城偏僻仍駐朱涇卽以倉署爲官署正中爲大門內甬道翼以吏廡及糙白糧廩廳事三楹宅門後爲內堂東西兩楹接待賓客內堂後爲三堂堂後皆倉廩東南爲常平倉庫在倉署內獄仍在衛城

乾隆三十八年知縣程名程修四十八年知縣杜文輝重修內外堂廡五十五年知縣鼇圖修嘉慶七年知縣鄭



人康重修

縣丞署 在朱涇

典史署 在縣署東雍正八年知縣高澤萊建

泖橋巡檢司署 在朱涇明洪武初建於泖橋南臨官塘  
北接市港嘉靖三十三年倭寇至巡檢黃珏遇害鄉民  
葬於公廨遂遷署朱涇

國朝嘉慶四年巡檢王炳詳建大堂十八年復建內堂及

東西廂房

訓導署

詳學  
校

上海縣

縣署 舊市舶司也元至元閒初立縣治於鎮守衙卽宋

故榷場地

松江總場在今儒學東

大德二年并市舶司於四明因

其廳廡以爲治凡大堂三楹堂後爲宅門爲問心堂爲三堂再後爲知縣宅榜曰勤補堂左爲東廳榜曰弦歌深處大堂前爲戒石亭左右爲吏舍箭道在署東北隅其西北隅有樓獨起庫在縣後堂偏獄在典史署前自大德三年縣署爲海潮壞達魯花赤雅哈雅重修建鼓樓明洪武二十五年知縣林廷瑾重建譙樓二十九年知縣張守約建穿堂正統四年知縣張禎重建儀門中堂後寢天順閒知縣李紋重修

訓導江震有記

成化閒知縣劉

松江府志

卷十四

十一

宇改建鼓樓正德七年知縣黃希英新廳事面廳爲戒石亭鑿駕庫在廳東典史廳架閣庫在廳西兩廡爲六房土地神祠在中門外嘉靖元年七月樓壞於風知縣鄭洛書卽其地爲弦歌坊後架重屋上傳更漏下通出入十六年知縣梅凌雲復建鼓樓顏曰麗譙制甚宏敞後燬寢室後有方池跨以飛梁其內爲正衙左右面南爲僚佐衙西南爲吏舍十九年知縣張秉壺建牧愛坊於儀門內三十二年倭夷突至廳宇悉燼三十三年知縣劉克學重建門廡堂寢庫獄公私廬舍爲之一新四十二年知縣黃文煒於儀門西偏增置迎賓館萬歷五

年本府同知鄭復亨於大門外建三坊南曰海甸雄邑  
東曰撫綏西曰明弼十年知縣鄭炳開西馬道與東稱  
二十六年知縣許汝魁立戒石亭親民坊三十六年知  
縣李繼周重建內衙廳事及丞尉衙宇獄舍四十六年  
知縣徐日久建可堂於中廳右四十六年知縣呂潛建  
東西二坊曰潔愛廉平

國朝順治十八年知縣涂贊建修康熙九年知縣朱光輝  
建堂三間於內衙之西知縣任辰旦題曰介和堂此今無額  
疑卽勤十二年知縣陳之佐建二亭在東西坊外爲民  
補堂  
於縣者憩息二十年知縣史彩改建內衙題曰問心堂  
之所今廢

雍正九年知縣張濤修大堂乾隆十三年知縣王任築  
月臺五十二年知縣周雲翮重修內外堂室嘉慶四年  
知縣湯鼐增修十七年知縣王大同改葺大堂及勤補  
堂諸舍移弦歌深處於問心堂左

元唐時措建縣治記上海縣襟海帶江舟車輳集  
故有市舶有榷場有酒庫有軍隘官署儒塾佛宮  
館毗廬賈肆鱗次櫛比實華亭東北一巨鎮也至元  
壬辰以華亭地大民衆難理命分高昌長人北亭海  
隅新江五鄉凡二十六保立縣從參政冀公請也領  
戶六萬四千有奇歲計糧十有二萬餘石酒醋課程  
中統鈔一千九百餘錠初主簿卻將仕首至卜廨泣  
事惟舊榷場屬字向爲鎮守總管府運糧千戶所庭  
宇湫隘藏積無度繫囚無固大德戊戌秋方議遷十  
月適有并海船舶四明之命衙宇空閒請於省府已  
亥剗下俾移置廳堂兩廡較舊衙倍寬而在在闕漏  
大費補苴且時值風雨交作海潮涌怒沈廬漂屋渺

瀕一壑縣庭僅擢立日靡寧居今達魯花赤雅哈雅  
忠顯捐己資為舉首尹夏承務丞范從仕簿侯將仕  
交贊以和邑里富室哀金樂助委司吏姜濟董之以  
責其成務譙樓三閒二戶四窗門於下以謹出入鼓  
於上以報更點面樓而井於東西環井而樹其前後  
葺琴堂之陋持吏舍之摧儼神祠之飾完圖屏之關  
使聽訟有庭宴息有堂禱祀有祠曹掾有舍徵經有  
圖經始於壬寅正月既望閱六句訖事既成來謁記  
時措從而告之曰樓非徒麗譙也必思更鼓分明無  
媿乎萍鄉井非徒綆汲也必思變苦為甘無慚乎虞  
城樹非娛盼悅神蔽陽來吹而已也必思植桃如河  
陽種柳如彭澤使居人愛之如甘棠不忘之如角弓  
可也大德癸卯三月吉日

國朝

葉映榴記

縣署東偏舊有堂三楹戶可南也而北

之堂亦垂祀三十餘年無葺者吏以為傳舍也蒔菴  
史侯蒞任之明年庀材鳩工移其戶以向明廣其庭  
以植花木自署曰問心堂而屬邑人葉映榴為之記  
善哉乎問夫天遠而不可問也人私而不可問也唯  
最初之一心近乎天而同乎人為行為生者天欲立

欲達者人天無日不以愛物爲心人無日不以自愛  
其身家爲心雨露霜霆疾痛疴癢舉關寸心不自問  
而或任才氣或苟瞻徇或惑於左右之口皆非吾心  
也非吾心而一時行之後且悔之毋寧寂然退食其  
中問吾心之慊與否以慊天人之心是卽誠求之道  
也今吾邑疆六百里戶萬億侯端居一室撫琴書顧  
花鶴不馳尺檄而呼吸與通臂指是效問心之道得  
也所問者近所通者遠所問者公而所及者無不厭  
人之私以視夫巡行阡陌問民疾苦其本末必有能  
辨之者又何耳目手足簿書期會之足云他日入政  
事堂參機務願  
無忘問心也

縣丞署 在縣儀門外東偏舊制東有三衙一巡捕丞一

管糧丞一治農丞後以巡捕歸典史改管糧爲董糧治

農爲董漕另設署在城南今董漕屬南匯縣署廢

主簿署 在縣儀門外舊制西有三衙一水利丞一管鹽

簿一典史今以水利并於簿署廢

典史署 在主簿署南

黃浦巡檢司署 在閔行鎮署久廢今賃民舍以居

吳松巡檢司署 初在吳松江北鹹水渡乾隆九年移建

於法華鎮

教諭署 詳學校

南匯縣

縣署 在城內舊所署之西北 屬三圖地 雍正四年知縣欽璉

建頭門三楹上為樓大堂三楹榜曰惠南 東曰勿斯西曰無倦 堂

下左右為吏舍進為川堂內為二堂榜曰精白今改退

官署



食左爲鶴清堂右爲思補堂又進爲三堂後爲知縣宅  
大樓九間書齋在思補堂後庫在大堂之東獄在儀門  
之西乾隆三十九年知縣成汝舟重修五十二年知縣  
任兆炯重修監獄圍牆嘉慶十二年知縣方恩承重修  
添建土地祠

欽建新南匯縣署記畧松江濱海郡自元至元間  
置上海縣明初葉南匯城於縣東八十里爲千戶所  
嘉靖中又割上海置青浦縣  
今天下踐祚之明年准前督臣查奏析州縣而上海所  
割卽名南匯仍城之舊也連適蒞茲土顧城荒民鮮  
縣治無所因時值  
新恩減賦萬姓歡頌羣叩憲請聽民捐建旋得  
旨卽藩庫給銀三千兩乃悉還民所捐卜日庀材飭工凡  
四閱月而門牆堂室大畧初具計其資已逾所給之  
數未幾竣以公謨鐫秩去

皇仁

浩蕩不加譴逐復獲視事惕然於懷益圖報稱於訖  
工之後勒石於堂右以誌不忘治基周圍五十五畝  
有奇照牆外臨河牆外縣場袤廣五丈五尺大門門  
樓上下各三楹儀門左三楹爲土地祠右三楹爲寅  
賓館又其右爲獄室門內甬道廣袤十丈三尺東西  
廊書吏房各十間大堂旁翼庫室後接川堂以整以  
備並照恒現宅門內二堂三楹爲逐日簽書處東西  
書廳各五楹三堂五間西齋室兩進亦各五楹最後大  
樓五楹樓東兩進亦各五楹內室廚瀆雜作之地皆  
在焉惟務謹樸爲堅久計爲木大小共六千五百八  
十株瓦甃灰沙雜料稱是土木工匠祿役二萬三千  
四百工外承典衙署甫鳩厥工始訖之月日經費之  
多寡董正賢勞之名氏俱  
俟落成之日續刻於後

縣丞署

在大堂東偏乾隆二十八年知縣楊宜崙詳建

四十七年縣丞馮時基捐修

典史署

在大門內東偏雍正五年典史金紳建

三林莊巡檢司署 在周浦鎮舊屬上海 乾隆四十二年巡檢

孟惠詳修五十二年巡檢陳惠疇捐修

訓導署

詳學校

青浦縣

縣署 在唐行鎮明嘉靖二十一年設縣於青龍鎮尋廢  
萬厯初復設縣遷治於此知縣石繼芳用郡人顧少卿  
從禮等所捐地二十八畝一分有奇并撤青龍舊廨雜  
以新材構成邑宇凡廳事三楹後爲宅門爲退食堂堂  
左爲片雲亭堂後爲知縣宅廳事前爲戒石亭左右爲  
吏舍外爲儀門門左爲土地祠右爲迎賓館外爲頭門

鼓樓面街爲照牆旌善亭在左申明亭在右庫在退食  
堂之西獄在儀門之西萬厯十年知縣屠隆增建署後  
書齋二十四年知縣卓鈿增修兩廡吏舍署同知趙元  
會重葺廳事

國朝順治中知縣王璘婁維嵩

邑志作唐瑾

先後繕修康熙五

年知縣張文斗重建譙樓明年知縣魏球修葺內外署  
左右廡十八年知縣蘭友芳重建大堂乾隆三十二年  
知縣褚啓宗重建大門改譙樓爲平屋修內外署四十  
五年知縣王世峯重建退食堂堂東爲三至堂  
禮部尙書曹秀  
先時爲學政會三  
至此堂因題其額  
四十六年知縣楊卓重建二門修大

堂兩廡及吏舍內建片雲復樂二亭六十年知縣楊英  
會重修內外堂廡嘉慶十七年知縣馬紹援捐修大堂  
廳事及內外宅舍左右廊廡

沈荃重建縣堂記

朝廷建官分職有治事之堂而於縣治爲尤重法制禁令  
於是焉布刑名訟獄於是焉理堂之設不綦重哉余  
未第時肄業青浦縣學從縣大夫論文講藝見堂廡  
傾圯慨然興懷安得令長之賢而才者百廢具舉康  
熙十有八年春北平蘭侯奉

簡命

來蒞青浦甫下車顧朽柱頽垣不蔽風雨南向而坐

與胥吏之趨走而侍立者岌岌乎有棟折之虞毅然  
思所以修之於是捐俸資節冗費鳩工庀材經始於  
夏六月先構大門三楹旋及廳事迄冬十二月以次  
告竣邑之搢紳士民咸觀厥成誦侯之事舉而功倍  
也侯名友芳字佩香順天宛平人初任司城以廉能  
著改受  
今職云

縣丞署 在縣署東乾隆十年具題移駐七寶鎮

主簿署 舊在縣署西今移縣治東丞署內嘉慶元年主簿左洪模十八年主簿張聯芳先後重修

典史署 舊在縣署東南今移縣治西簿署內嘉慶四年典史程廷勳十七年典史唐玉樽先後重修

澱山巡檢司署 在安莊洪武中建即謝今遷五十保朱

家角鎮乾隆五十四年巡檢李正基修嘉慶十九年巡檢郝照重修

新涇巡檢司署 卽舊青浦縣署後縣廢改水利廳萬歷十年改巡司嘉慶十九年巡檢劉灝捐修義塾公屋改

作衙署

教諭署

訓導署

並詳學校

分巡蘇松太兵備道署

督理海關署 並在上海縣城內

詳關稅

鹽場公署

松江批驗所鹽大使署 在府治集仙門外三十五十九畝

掣鹽廳在其右明崇禎十三年建屬浙江嘉松鹽運分

司初在蔣涇埠腹內水淺壅滯每致年額虛懸題准改

埠爲所移建國武洪順治十三年奉

旨將下沙場副使改爲批驗所大使掣驗稱便嘉慶六年  
兩浙鹽院延豐 奏准改爲掣鹽廳舊掣鹽廳改爲批  
驗所衙署

橫浦場大使署 在金山縣西倉鎮初在篠管街明洪武  
十九年遷署於此

國朝乾隆八年大使方學沆捐俸重修

浦東場大使署 在金山縣北倉宋乾祐時自張堰遷於  
此

袁浦場大使署 在華亭縣柘林城舊名袁部

青村場大使署 在奉賢縣泊高橋鎮



下沙場大使署 舊在下沙鎮元遷石筍里明初設松江副使

國朝順治十三年題汰今在南匯縣一團鎮乾隆十三年場大使陳上齡詳建五十一年彭高詳修

下沙二三場大使署 在川沙城賃民舍以居

### 武職官署

提督署 在府治西南僊鶴觀西順治五年提督張天祿以前明徐文貞公居第爲署後梁化鳳奉

命提督全省崇飾壯麗中爲大堂額曰篤忠西爲花廳御製碑亭及綠荷香處在焉池東爲寧靜山房二堂曰寬

惠堂堂左爲四宜堂三堂後爲臥虎亭爲西箭廳內箭道在焉又進爲慶春園一峯樓疊石爲山環以碧水大門外左右官廳東西樹轅門面照牆坊二左曰綏寧江海右曰屏翰山河

中營參將署 在府治東郭門橋

中營守備署 在府治南富安橋西

前營遊擊署 在府治南羅神廟西卽明大學士錢龍錫第

前營守備署 在府治普照寺西南

後營遊擊署 在府治東南龍門寺東

後營守備署 在府治婁縣署西

左營遊擊署 在府治通波門內

左營守備署 在府治龍門寺東

右營遊擊署 在上海縣署西南本海防道署舊址康熙

五十九年建并造營房千四百間今多廢

右營守備署 在上海縣署西南

城守營遊擊署 在府治通波門內柳家巷與古適園相

近

城守營守備署 在府治東陽道院西

金山參將署 在衛城北門內

金山守備署 在衛城東門內乾隆六年守備汪有奇建

柘林都司署 在柘林城西門內

青村都司署 在奉賢縣城內

南匯都司署 在南匯東門內卽舊守府署乾隆三十六

年詳修

南匯守備署 在南匯城西門內乾隆四十九年詳建

川沙參將署 在川沙城南門內乾隆三十二年詳修

川沙守備署 在川沙城西門內乾隆三十二年詳修

松江府志卷十四終